

Ex Gobernador Interino

Christina van den Berg-de Freitas a bay sosega

DIARANSON anochi a drenta e noticia cu un persona masha conoci y hopi stima den comunidad, a fayece y trata aki sra Christina van den Berg-de Freitas, kende tabata den pasado Gobernador Interino di Aruba.

El a ricibi merecidamente un condecoracion Real pa su aporte grandi na comunidad den diferente forma y sector caminda el a logra hopi pa principalmente hobennan cu tabatin mester di sosten den ki forma cu ta, por a haya esaki. Christina van den Berg-de Freitas na 2001 te cu 2008, tabata Gobernador Interino pa pais Aruba ora cu el a substitui sr Max Croes kende tabata e prome Gobernador Interino bou di Gobernador Felipe Tromp.

Sra van den Berg a sirbi su periodo for di 2001 te cu 2006 pero na 2007 el a ricibi prolongacion pa sigui den e posicion aki pero en realidad tin cu mostra cu e puesto aki, kisas no tabata esun cu mas el a atende cu asina motivacion y determinacion.

Su persona el a pasa pa forma parti na 1961, loke tabata conoci como 'Stichting Reclassering en Kinderbescherming 1961,' un departamento cu a wordo funda en cooperacion cu Ministerio Publico tabata den necesidad pa di un forma of otro, haya mas informacion di acusadonan pa asina nan por a tuma decisionnan riba castigo di esunnan cu faya.

Sra Christina a hunga un rol hopi grandi den e proceso aki caminda el a traha duro hunto cu otronan, pa asina sirbi interes di esunnan cu a cay den problema cu husticia y el a haci hopi tira tereno di integracion.

No solamente el a ser admira pa e hecho cu el a desaroya metodonan efectivo pa e trabou di e departamento pero tambe pa clientenan specifico di Reclassering y tambe Christina tabata docente ehemplar, a representa su pais na varios congreso internacional y tambe su persona tabata miembro di varios comision social y humanitario aki na Aruba.

Su esfuerzo y dedicacion na yuda otronan den comunidad, a pone cu Christina a ricibi reconocimiento grandi ora cu el a ricibi Condecoracion Real 'Ridder in de Orde van Oranje Nassau' pa tur loke el a haci pa hendenan di su pais.

Mostrando semper bay un cara serio durante di su trabou, mayoria di esunnan cu a conoce Christina personalmente, a conoce tambe su amabilidad, su interes pa semper duna un man na esunnan den necesidad.

Su persona a yuda funda loke tabata conoci como 'Stichting Geestelijk Gehandicapten' y tambe otro instancianan manera entre otro Bibito Pin. Saludo di reconocimiento na un gran persona kende ta laga un serie di bon recuerdo atras, como gran ser humano pero tambe como gran amiga.

Señora ta wordo atraca na Olijfstraat

DIARANSON pa mas o menos 9:40 di anochi central di polis ta wordo informa cu un señora lo a wordo atraca na altura di Olijfstraat den Dakota. Di biaha ta despacha patruya di polis y diferente unidadnan na e sitio. Na yegada di e prome patruya ta bin topa cu e señora basta spanta y na unda e ta conta cu un rato prome dos homber den un auto color cora lo a atrake cu un cuchiu y nan a bay cu tur su pertenencianan. Diferente unidad di polis riba caya a cuminsa busca pa cu e auto cu e sospechosonan aden.

Cuerpo Policial ta haci un apelacion di es cu sa algo of a mira algo pa yama e tiplijn di polis cu ta 11141. Bo ta keda anonimo.



SKOA
STICHTING KATHOLIEK ONDERWIJS ARUBA

**HERHAALDE
OPROEP
LEERKRACHT KLEUTERONDERWIJS**

We zijn op zoek naar een geschikte kandidaat voor deze functie.
Hieronder vindt u de vereisten:

- Volledig bevoegd leerkracht diploma 4-8 of 4-12 jarig
- Ervaring met gedragsproblemen.
- Dynamisch en beschikt over goede contactuele, sociale en communicatieve vaardigheden.
- Bereid om zich verder te ontwikkelen op het gebied van onderwijs.
- Katholieke overtuiging in levensstijl en denkwijze.
- Het bezitten van Nederlandse nationaliteit.

Ingaande per direct voor lopende schooljaar 2024-2025

Sollicitatieprocedure:

✓ **CV, sollicitatiebrief, en goed gescande diploma per email versturen:**

Directie van de Stichting Katholiek Onderwijs Aruba
E: pz@skoa.aw
T: (297) 523-1803

HR: 523-1803 pz@skoa.aw www.skoa.aw Copernicusstraat 11